

«ՎՐԱՍՏԱՆԸ» 100 ՏԱՐԵԿԱՆ Է

ԴԵՌ ՄԱՆԿՈՒՅ ԵՄ ՍԻՐԵԼԻ, ԹԱՆԿԱԳԻՆ «ՎՐԱՍՏԱՆ»

(Սկիզբը՝ 1-ին էջում)

Մեր գյուղի գրեթե բոլոր ընտանիքները բաժանորդագրվում էին, եթե հիշողությունս չի դավաճանում, ստանում էինք 250-300 օրինակ թերթ: Ասեմ՝ որպես դպրոցի սկզբնական կոմերիտկազմակերպության քարտուղար, թերթի բաժանորդագրությամբ զբաղվել եմ նաեւ ես:

Հիշում եմ նաեւ, թե ինչպես գյուղամիջում մարդիկ մտքեր էին փոխանակում թերթում կարդացած այս կամ այն նյութի վերաբերյալ, էլ չեմ խոսում այն մասին, թե ինչ ոգեւորություն ու հրճվանք էին զգում նրանք, երբ թերթում հոդված էր տպագրվում մեր գյուղի մարդկանց մասին, առավել եւս, երբ այդ հոդվածները լուսանկարներով էին:

Եվ ահա այսօր իմ մանկական հիշողություններում պահվող թերթը նշում է իր առաջին համարի լուսանկարների 100 տարին: Այսօրվա «Վրաստանը» արժանավոր ճանապարհ է անցել՝ միշտ հավատարիմ մնալով իր պատմական առաքելությանը՝ կանոնադրելով երկու երթայր ժողովուրդներին: Գուցե առաջին հայացքից դա այնքան էլ դժվար չէր, սակայն, եթե հիշենք, թե վերջին 30 տարիների ընթացքում ինչ ուղի է անցել «Վրաստանը», ապա կարելի է միայն գլուխ խոնարհել խմբագրության աշխատակիցների, առաջին հերթին թերթի խմբագիր Վան Բայբուրթյանի առ-

ջել, ով կարողացավ թերթի քաղաքականությունը վարպետորեն վարել այդ տարիների սոցիալական դրվածքների փոփոխման, ազգայնականության ու ժողովրդավարության ընդհարման, պետական հեղաշրջումների ու «գունավոր հեղափոխությունների» փոթորկումն ծովում: Եվ դա զարմանալի չէ, քանի որ Վանը, մինչև «Սովետական Վրաստանի» խմբագիր դառնալը, մոսկովյան կենտրոնական թերթերի ու գործակալությունների սեփական թղթակիցն էր Թբիլիսիում եւ Երեւանում: Ինքս անձամբ ականատես եմ եղել, թե ինչպես Մոսկվայում, Պետերբուրգում, Երեւանում Վան Բայբուրթյանը ջանադրությամբ փաստավորում էր թերթի դիրքորոշումը այս կամ այն իրավիճակում, ապացուցում դրա արդարացիությունը եւ իրադրությունների զարգացումը, ի վերջո, ապացուցում էր նրա արդարացիությունը:

Թանկագին Վան, սիրելի «Վրաստանցիներ», ի սրտե շնորհավորում եմ մեր սիրելի պարբերականի մեկդարյա հոբելյանը, ձեզանից յուրաքանչյուրին մաղթում անձնական երջանկություն, ստեղծագործական վերելք: Դուք արժանի եք մեծարման, մեծազույն հարգանքի:

Մեծ սիրով՝
ՆՈՐԱՅՐ ԹԵՎԱԼՅԱՆ
Մոսկվայի հայ համայնքի նախագահ

ԱՅՍՕՐ «ՎՐԱՍՏԱՆ» ԱՆՅՐԱԺԵՇՏ Է, ՔԱՆ ԵՐԲԵՎԷ



Ստացվել է այնպես, որ Վրաստանում ապրող հայերս ունենք երկու հայրենիք՝ Հայաստան ու Վրաստան, ուստի երկու մշակույթ, երկու պատմություն... Բայց կան եւ այնպիսիք, ովքեր այդ երկուսը կապող-կամրջողի պատասխանատվություն են ստանձնում ու, հակառակ խոչընդոտների, առաջ ու առաջ գնում ամեն մի քայլը մի-մի աղյուս դարձնելով հայ-վրացական բարեկամության ամրապնդման գործում: Այսպիսին է մեր «Վրաստանը» ու արդեն հարյուր տարի: Նրա գոյությունն, անշուշտ, պայմանավորված է խմբագրությունում աշխատող նվիրյալներով եւ, առաջին հերթին, խմբագիր Վան Բայբուրթյանով: Անձամբ ինձ համար նման նվիրյալներից էր Անահիտ Բոստանջյանը, ում Վանը հրավիրել էր թերթում աշխատելու, երբ հետխորհրդային շրջանում տպագիր մամուլի ավանդական տարածումն այլեւս հնարավոր չէր: Այդ տարիներին, Անահիտի՝ թերթի ոչ միայն լրագրողի, այլեւ տարածման ու բաժանորդագրման բաժնի ղեկավարի, վստահելի անձանցից մեկը Ախալքալաքի-

ում ես էի, սիրով օգնում էի կազմակերպել «Վրաստանի» բաժանորդագրումը ամբողջ շրջանով մեկ: Շրջում էինք գյուղեգյուղ եւ ամեն մի այց ավարտվում էր «Վրաստանի» էջերում հայտնվող Անահիտի հիանալի ակնարկներով՝ գյուղացիներից ամենաարժանիի մասին... իսկ առանցքում հերոսի նյութի՝ որպես Վրաստանի արժանավոր քաղաքացու, կերպարն էր: Այդ իմաստով հատկապես մեծ էր ու մեծ է «Վրաստանի» դերը, իսկ այսօր՝ հատկապես: Այն առավել քան անհրաժեշտ է հայ ու վրացի ժողովուրդներին կամրջելու տեսանկյունից՝ ի հեճուկս երրորդ ուժի, ով մեր ընդհանրությունը բացառելու եւ միայն բացասական արձանագրելու կործանիչ միտում ունի: Երեւի հենց այդ է պատճառը, որ «Վրաստանը» ապրեց ու ապրում է անկանգ: Ու արդեն 100 տարի, պարբերաբար, իր բազմահազար ընթերցողին հեղափոխում դեպի դրականը՝ թույլ չտալով փոխել Վրաստանում ապրող հայ քաղաքացու արժանի կերպարը:

Շնորհավոր, անցյալ ու ներկա, սիրելի «Վրաստանցիներ», արժանի սերունդներ թեզ, իմ հարազատ «Վրաստան»....

ՀԱՄԼԵՏ ՍՈՎԱՍԻՅԱՆ
Ախալքալաքի մունիցիպալիտետի սակրեբուլոյի պատգամավոր

«ՎՐԱՍՏԱՆԻ» ՇՈՐԵԼՅԱՆԻ ԱՌԹԻՎ

(Սկիզբը՝ 1-ին էջում)

Այս դպրոցի «շրջանավարտներն» են Վրաստանում ու նրա սահմաններից դուրս կայացած շատ լրագրողներ: Ես՝ ինքս ինձ այս դպրոցի սան եմ համարում եւ մաղթում «Վրաստանին» մեր հարյուրամյակներ վիրահայերի մոր սերունդների կողքին լինելու համար: Իմ խորին երախտագիտությունն են թերթում թերթի ամբողջ աշխատակազմին՝ հանձնիս գլխավոր խմբագիր Վան Բայբուրթյանի: «Վրաստանն» ինձ համար նաեւ Բենիկ Սեյրանյան է, Անահիտ Բոստանջյան: Հավերժ փառք

յակներ հիշատակին: «Վրաստանը» նաեւ մեր բալիկներն են, մեր կյանքի զարդն ու մեր ապագան: Թող միշտ լինի «Վրաստանը»:
ԳԻՍԱԼԵ ՉՈՎԱԵԹՅԱՆ
Վիրահայոց բեմի Թբիլիսիի «Չովիաննես Թումանյանի տուն» կենտրոնի ղեկավար

նրանց հիշատակին: «Վրաստանը» նաեւ մեր բալիկներն են, մեր կյանքի զարդն ու մեր ապագան: Թող միշտ լինի «Վրաստանը»:
ԳԻՍԱԼԵ ՉՈՎԱԵԹՅԱՆ
Վիրահայոց բեմի Թբիլիսիի «Չովիաննես Թումանյանի տուն» կենտրոնի ղեկավար

ԱՅՆ, ՈՐ ՍՈՎՈՐՈՒՄ ԵՄ ՎԱՆՔԻ ԴՊՐՈՑՈՒՄ, ՀԵՆՑ «ՎՐԱՍՏԱՆԻՑ» ԻՄԱՑԱ

պատասխանը: Եվ ահա մի օր, գոհ ժպիտով, մոտեցավ նստարանիս ու, այս անգամ առանց որել խստության, մայրաբար հորդորեց կարգալ, ասաց, որ «գաղտնիքն» այստեղ է, բացի այդ, կվարժվեի ընթերցանության մեջ, կզարգացնեի գրավոր խոսքս եւ, վերջապես «Վրաստանն» այսուհետ կունենար իր մոր ընթերցողը՝ հանձնիս ինձ: Այսօրվա պես հիշում եմ այդ նյութը, որն իմ մեջ հպարտության անասելի զգացում էր առաջացրել՝ որպես Վանքի դպրոցի սան: Այդ էր ու այդ, սիրեցի «Վրաստանը», որովհետեւ այդուհետ հպարտանալու բազմաթիվ առիթներ տվեց՝ պատմե-

լով Վրաստանում հայկական հետքի եւ, ընդհանրապես բազմերանգ վրացական մշակույթի հայակերտ կողմերի մասին: Եվ այդ ամենը շատ նուրբ մատուցված իրապարակումներում, առանց որել ազգամիջյան սրման ու խաթարման: Ընդհակառակը՝ ի նպաստ հայ-վրացական ամրապնդվող բարեկամության... Տարիներ են անցել: Այսօր թիվ 104-ի սան է իմ դուստրը, ու ես նույն հետեւողականությամբ նրան եմ պարզում «Վրաստանը»՝ ձեւավորելով մոր ընթերցող: Կարծում եմ, սա վիրահայերիս սուրբ պարտականությունն է՝ մեր արժեքների փոխանցումը եկող սերունդ-

ներին: Մեր հարյուրամյա հոբելյանը այդ արժեքներից մեկն է, ում շարունակության համար պատասխանատու ենք բոլորս: Սիրելի «Վրաստան» ու «Վրաստանցիներ», շնորհավորում եմ յուրաքանչյուրիդ, շնորհակալություն ներդրման ու թերթը պահելու համար: Թող հոբելյանական տարին մոր թափ բերի ու խթան դառնա ստեղծագործական ձեր գործունեության մեջ:
ՄԱՐԻ ԱՆՈՒՔԵԼՈՎԱ
Վրացահայերի միություն 74 ղեկավար



ՀՐԲԵԼՅԱՆԱԿԱՆ


Վիրահայ անվանի մանրանկարիչ Մերուժան Շահունյանը օրերս նշեց ծննդյան 70 ու ստեղծագործական գործունեության 55-րդ տարեդարձերը:

Մերուժան Շահունյանը, ինչպես նշում են փորձագետները, վիրահայ կերպարվեստի Թիֆլիսյան դպրոցի՝ Հովհաննիսյանների (17-19-րդ դարեր) արժանավոր հետնորդը, հայկական ժամանակակից մանրանկարչության ներկայացուցիչներից մեկն է: Ռուսական գրական-փիլիսոփայական, Մոսկվայում լույս տեսնող «Լոգոս» ամսագրի խմբագիր, արեղա Սիմրանը (Կովկասյան), կայք-էջում տեղադրված իր «Մերուժան Շահունյանի կրոնա-փիլիսոփայական գեղանկարչության ուղերձը» մենագրության մեջ, նրա մանրանկարչությունը դիտում է՝ իբրև գեղանկարչի կամքի ու Արարչի կամքի միաձուլման արտահայտությամբ, դեպի փրկություն տանող արվեստ:

Բոլորս հիշում ենք Վրաստանի հայ նկարիչների միության նախագահ (2011-2016 թթ.) Մերուժան Շահունյանի համայնքում կերպարվեստի ավանդույթների պահպանմանն ուղղորդված բեղուն գործունեությունը: Նրա նախածեռնած հայ, վրացի ու այլազգի տարբեր սերնդի գեղանկարիչների մարդաշատ ցուցահանդեսները Թբիլիսիում, Վրաստանի հայ ու վրացի նկարիչների փոխադարձ ցուցահանդեսները Գյումրիի, Էջմիածնի, Երեւանի պատկերասրահներում: Չեր ուշադրության ենք ներկայացնում Մերուժան Շահունյանի հետ հարցազրույցը:

- Ի՞նչ կուզեցիք, որ Ձեր արվեստը տար դիտողին:
- Իմ արվեստը երկու մասից է կազմված՝ սրբանկարչություն եւ արքայապետ: Ինձ մոտ դրանք միմյանց չեն հակասում, հակառակը՝ իրար լրացնում են իրենց խորհրդով: Եթե մանրանկարչության մեջ ամեն ինչ իրական է, արքայապետը այդ նույնը մեկ ուրիշ իրականության մեջ է մատուցում: Իմ նկարչության գլխավոր իմաստը ես դարձրել եմ սրբանկարչությունը: Սրբանկարն իմ խնդրանքը, իմ աղոթքն է առ Աստված ու նաեւ փորձը՝ մարդուն տանել դեպի Աստված:
- Միջնադարում ծաղկում ապրող հայ մանրանկարչությունը՝ Թորոս Ռոսլին, Սարգիս Պիժակ, Թորոս Տարոնեցի,

ՄԵՐՈՒԺԱՆ ՇԱՀՈՒՄՅԱՆ. «ՄԱՆՐԱՆԿԱՐՆԵՐՆ ԻՄ ԱՂՈՒԹՔՆԵՐՆ ԵՆ»



Մոմիկ, Հակոբ Ջուղայեցի, Իզնատիոս, Գրիգոր... ձեւավորել է կայուն ավանդույթներ, որի հետեւողական արտահայտությունն է նաեւ ժամանակակից մանրանկարչությունը: Ձեր կարծիքով, ո՞րն է մանրանկարչության առանձնահատկությունը, նրան տարբերող բնորոշիչը:
- Համաշխարհային կերպարվեստում հայ մանրանկարչությունը ունի ուրույն, անկրկնելի դիմագիծ: Նա խիստ տարբերվում է ռուսական, բյուզանդական եւ մանրանկարչության մյուս դպրոցներից: Առանձնանում է հեղինակայնությամբ, գունազեղությամբ, արտահայտած իմաստով եւ ընդգծված անկեղծությամբ:
- Մերուժան Շահունյանի երկու որդիներից որի՞ն է փոխանցվել հայրական տաղանդը:
- Երկուսն էլ, իրականում, տարված են նկարչությամբ: Օժտ-

ված են նկարելու շնորհով, եւ դա անում են մեծ ոգեւորությամբ: Անկեղծ ասած, ինձ ուրախացնում է, որ ունեն իրենց ոճը եւ իրենց գործն անում են առանց իմ ուղղորդումների:
- Ի՞նչն է եք կրոնը համարում մարդուն վերափոխելու միջոց:
- Սրբանկարչությունն ունի իր խորհուրդները: Այդ կերպարները «կանչում» են նայողին, ձգում, որովհետեւ խոսող, աղոթող դեմքեր են եւ մարդու հոգում անհետք չեն մնում: Ծնվում է, մի տեսակ, երկխոսություն դիտողի եւ սրբանկարի միջեւ: Այդպես հեշտ է մարդուն դեպի Աստված տանելը, այդ փորձը դարերից է եկել...
- Ճանաչո՞ւմ եք որեւէ ժամանակակից հայ, վրացի կամ այլազգի մանրանկարչի եւ Ձեր վերաբերմունքը նրա գործերին:
- Անուններ չեմ ուզում նշել այն մտավախությամբ, որ կարող եմ մեկին բաց թողնել... Մեր շփումը միմյանց հետ եղել է Վրաստանի ու Հայաստանի նկարիչների ընդհանուր ցուցահանդեսներում: Դրանցում ներկայացված գործերը ինքնին մեզ հանգեցրել են համեմատությունների, արվեստի տարբեր դպրոցների բնորոշ կողմերը զգալուն, զարգանալուն, գիտեցածը նորով լրացնելուն:
- Աշխարհի բոլոր բանաստեղծները, անկախ ազգությունից, երգել ու երգում են մաքուր, լուսավոր սերը: Մերուժան Շահունյանի կարծիքով՝ ե՞րբ է սերը մաքուր, լուսավոր:
- Ինձ համար մաքուր, լուսավոր սերն այն է, երբ պատրաստ ես զոհաբերության: Դա ինքնահատմանի, թեզ նման ծառայելու կարողությունն է, երբ լցված ես մշտապես զոհաբերելու, տալու եւ ոչ թե ստանալու զգացումով:
- Շնորհակալություն հետաքրքիր պատասխանների համար: Միանալով բոլոր շնորհավորանքներին՝ թույլ տվեք «Վրաստան» թերթի անձնակազմի եւ նրա ընթերցողների անունից նույնպես ի սրտե շնորհակալություն անսասան առողջություն, հոգեկան խաղաղություն, կյանքի երկար ճանապարհ: Թող Ձեր կյանքում երբեք չխամրի՝ Աստծո տված ստեղծագործական ներշնչանքի լույսը:
Չրուցեց ՋՈՒԼԻԵՏԱ ԲԱՂԱՅԱՆԸ

COVID - 19

«ՊԱՐԵՏԱՅԻՆ ԺԱՄԻ» ԶԵՂԱՐԿՈՒՄ ԱՌԱՅԺՄ ԶԻ ԾՐԱԳՐՎՈՒՄ

(Սկիզբը՝ 1-ին էջում)

Միջգերատեսչական համակարգող խորհուրդը քաղաքացիներին կրկին կոչ է անում հնարավորինս կրել դիմակներ՝ ինչպես ներսում, այնպես էլ՝ դրսում, ինչը վիրուսի տարածումը կանխելու կարևորագույն պայմաններից մեկն է:

արտադրողների հետ ընթացող բանակցությունները:

- Այսօրվա հանդիպմանը խոսվեց պարետային ժամը չեղարկելու մասին, եւ, ինչպես գիտեք, միանգամից այսքան սահմանափակումների վերացումը անցանկալի է: Սահմանափակումներից յուրաքանչյուրի վերացումից հետո, մենք պետք է սպասենք եւ հետեւենք մեկ կամ երկու շաբաթ, ապա միայն որոշումներ կայացնենք: Այս փուլում մենք անհրաժեշտ չհամարեցինք պարետային ժամի չեղարկումը: Երեւի, եթե մենք համաճարակային իրավիճակը պահենք այս շրջանակներում, այդ հարցն էլ կբարձրացվի,- հայտա-

րարեց Ամիրան Գամդրելիձեն:

Հիշեցնենք, որ «Պարետային ժամը» խախտելու համար տուգանքը կազմում է 2 հազար լարի:

Ավելացնենք, որ մարտի 8-ից Վրաստանում սկսվել է սահմանափակումների վերացման հերթական փուլը: Լեռնադահուկային հանգստավայրերում իրենց աշխատանքն են վերսկսել ճապարակահանքերը, ինչպես նաեւ բոլոր ռեստորաններում ու սրճարաններում թույլատրվում է աշխատանքը փակ տարածքում (բացի շաբաթ եւ կիրակի օրերից), իսկ առևտրի կենտրոններն ու հագուստի շուկաները կարող են աշխատել նաեւ հանգստյան օրերին:

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՆՅՈՒՄ 119 ՄԻԼԻՈՆԸ

COVID-19-ի հաստատված դեպքերի թիվն աշխարհում անցել է 119 145 944 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 2 642 279 հազարը: Ապաքինվել է 94 միլիոն 758 077 մարդ:



Վարակվածների թվով աշխարհում առաջին տեղում ԱՄՆ-ն է, որտեղ կա հաստատված 29 925 902 դեպք: Այստեղ մահացածների թիվը 543 721 է, երկրորդ տեղում՝ Շվեդիան, որտեղ հաստատված դեպքերի թիվը հասել է 11 308 846-ի, մահացածներինը՝ 158 326-ի:

Վարակվածների թվով հաջորդ տեղում Բրազիլիան է: Այստեղ վարակվել է 11 284 269, մահացել՝ 273 124 մարդ: Ռուսաստանում կորոնավիրուսով վարակվել է 4 360 823, վարակի հետեւանքով մահացել՝ 90 734 մարդ: Ռուսաստանին հաջորդում են Մեծ Բրիտանիան, Ֆրանսիան, Իսպանիան, Իտալիան, Թուրքիան ու Գերմանիան:

Հայաստանում, ընդհանուր առմամբ, վարակվածների թիվը հասնում է 177 104-ի, մահացածներինը՝ 3 243-ի, ապաքինվածներինը՝ 165 718-ի:

Աղբյուրներում վարակվածների թիվը կազմում է 238 383 մարդ: Վարակից մահացել է 3 262, ապաքինվել՝ 230 244 մարդ:

Վերջին տվյալներով, Վրաստանում վարակվել է 274 377, մահացել՝ 3 634, ապաքինվել՝ 267 764 մարդ:

Մարտի 12-ին կորոնավիրուսով վարակված 332 մարդ դեպքերից 185-ը Թբիլիսիում է, Աջարիայում՝ 20, Իմերեթիում՝ 51, Քվեմո Քարթլիում՝ 8, Շիդա Քարթլիում՝ 14, Գուրիայում՝ 13, Սամեգրելո-Չքեթի Սվանեթիում՝ 18, Կախեթիում՝ 20, Մցխեթ-Մթիանեթիում՝ 0, Ռաճա-Լեչխումիում էւ Քվեմո Սվանեթիում՝ 2, Սամցխե-Ջավախեթիում՝ 1:

ՎՐԱՍԱՆՈՒՄ ԱՐՉԱՆԱԳՐՎԵԼ Է ԿՈՐՈՆԱՎԻՐՈՒՄՈՎ ՎԵՐԱՎԱՐԱԿՄԱՆ ԴԵՊԵ

Վրաստանի հիվանդությունների վերահսկման ազգային կենտրոնի տնօրեն Ամիրան Գամդրելիձեի հայտարարությամբ, Վրաստանում կորոնավիրուսով վերավարակման մեկ դեպք է արձանագրվել:

Գամդրելիձեն հաղորդել է, որ վիրուսը երկու անգամ էլ թեթև տեսքով է արտահայտվել: Բուժառնում հիվանդացել է մոտ երեք ամիս անց:

- Նույն մարդու մոտ արդեն երկրորդ անգամ է կորոնավիրուս հաստատվել: Տարբեր շտամեր չեն, նույնն է, վարակը կրկնվել է 2,5-3 ամիս անց: Ինչ վերաբերում է տարիքին, վարակվածը տարեց չէ,- ասել է Գամդրելիձեն:

Հիշեցնենք, որ Վրաստանում սկսում են կորոնավիրուս տարած հիվանդների, այսպես ասած, հետևողական հետազոտություն: Նպատակը՝ վիրուսից հետո հնարավոր բարդությունների արտահանումն է: Պատահականության սկզբունքով ընտրված 400 հիվանդի համար բոլոր արտադրողներն անվճար կլինեն: Մասնագետները նպատակ ունեն ուսումնասիրել հետևողական սինդրոմի օրինաչափությունը:

ԵՎՐԱՄԻՈՒԹՅՈՒՆԸ ՌՈՒՄԱԿԱՆ ՊԱՏՎԱՍՏԱՆՅՈՒԹԻ ՀԱՐՑՈՎ ՊԱՅԱՆՋՈՒՄ Է ԼՐԱՑՈՒՑԻՉ ՏԵՂԵԿԱՏՎՈՒԹՅՈՒՆ

Եվրոպայի դեղորայքի վերահսկման գործակալության ներկայացուցիչները եվրամիության անդամ երկրներին կոչ են անում խուսափել կորոնավիրուսի դեմ ռուսական արտադրության Sputnik V պատվաստանյութի հաստատումից, քանի դեռ գործակալությունը դրա արդյունավետության եւ անվտանգության մասին մանրամասն չի տեղեկացվել:



Նշենք, որ ռուսական վերոնշյալ պատվաստանյութի գնահատման նպատակով, փորձարկումներ են անցկացվում Եվրամիության երեք երկրներում՝ Հունգարիայում, Սլովակիայում եւ Չեխիայում:

Էջը պատրաստեց ՅՈՒՐԻ ԽՈՐԵՆՅԱՆԸ

ԷԿԱՏԵՐԻՆԵ ՏԻԿԱՐԱԶԵ. «ՔԱՂԱՔԱՅԻՆԵՐՆ ԻՐԵՆՔ ԿԱՐՈՂ ԵՆ ԸՆՏՐԵԼ ԿՈՐՈՆԱՎԻՐՈՒՄԻ ՊԱՏՎԱՍՏԱՆՅՈՒԹԸ»

(Սկիզբը՝ 1-ին էջում)

Բացի այդ, իհարկե, պատվաստանյութի ընտրությունը նույնպես լինելու է կամավոր, մենք մեր քաղաքացիներին տալիս ենք հնարավորությունը ընտրել այն պատ-

վաստանյութը, որին իրենք ավելի շատ են վստահում: Ինչ վերաբերում է որակյալ բաղադրիչին եւ պատվաստանյութի տարբերությանը, ապա այստեղ գլխավորը պատվաստանյութի ճանաչումն է խիստ կարգավորիչով,-

հայտարարեց Եկատերինե Տիկարաձեն: Նախարարի խոսքով, մարտի 13-ին Վրաստան է ներբերվում AstraZeneca կորոնավիրուսի դեմ պատվաստանյութի առաջին խմբաքանակը՝ 43 200 դեղաչափ:



ԱՄԻՐԱՆ ԳԱՄԴՐԵԼԻՉԵ. «ԻՐԱՎԻՃԱԿԸ ՄԵԾԱՊԵՍ ՊԱՅՄԱՆԱՎՈՐՎԱԾ Է ՀԱՆՁՆԱՐԱՐԱԿԱՆՆԵՐԻ ԿԱՏԱՐՄԱՄԲ»

ՎՐԱՍԱՆՈՒՄ ԴԻՄԱԿ ԿՐԵԼՈՒ ՅՈՒՑԱՆԻՇԸ ՆՎԱՋԵԼ Է 43 ՏՈՎՈՍՈՎ, ԻՍԿ ԴԱ ՇԱՏ ՎՏԱՆԱԿՎՈՐ Է



Հիվանդությունների վերահսկման ազգային կենտրոնի ղեկավար Ամիրան Գամդրելիձեի հայտարարությամբ, արդեն երկու ամսից ավելի է՝ երկրում շարունակվում է համավարակային իրավիճակի կայունացման միտումը: Նրա խոսքով, փետրվար եւ մարտ ամիսներին հաստատված սահմանափակումները մեղմելու մասին որոշումն ընդունվել է այս հիմքով:

Այնուամենայնիվ, Ամիրան Գամդրելիձեն ընդգծեց նաեւ կանոններին հետեւելու անհրաժեշտությունը, քանի որ Վրաստանում ամեն օր մոտ դեպքերի թիվը դեռ մեծ է եւ ցույց է տալիս, որ վարակը դեռ շրջանառվում է երկրում: Ինչպես հաճախ ենք ասում, երկիրը շարժվում է դեպի կայունացում: Արդեն երկուսուկես ամիս կայունացման միտումը շարունակվում է, ինչը թույլ տվեց զնալ սահմանափակումների մեղմացման: Այդուհանդերձ, կրկնում են, որ դա ոգեւորման առիթ չէ: Թեւեւ որակյալ արդյունքով թեստերի քանակը վերջին ամիսների ընթացքում նվազման միտում ունեւր, սակայն վերջին չորս օրվա ընթացքում դրական թեստերն ավելացել են: Սա կապված է նաեւ դիմակ չկրելու հետ: Նախկինում 75 տոկոս էր դիմակ կրելու ցուցանիշը, հետո՝ 66 տոկոս, հիմա՝ 43 տոկոս,- ասաց

Ամիրան Գամդրելիձեն ու քաղաքացիներին դիմակ կրելու եւ ցուցանիշը 95 տոկոսի հասցնելու կոչ արեց: Նա բնակչությանը խորհուրդ տվեց նաեւ խուսափել մեծ հավաքույթներից ու խնջույքներից: Հիշեցնենք, որ Վրաստանի խորհրդարանն ընդունեց վարչական իրավախախտումների օրենսգրքի փոփոխությունների օրինագիծը, որով խստացվում է հանրային վայրերում դիմակ կրելու պահանջն անտեսելու պատիժն ու կրկնապատկվում երկրորդ անգամ խախտման տուգանքը: Մինչ այժմ օրենքը 20 լարի տուգանք էր սահմանում հանրային վայրում դիմակ չկրելու համար: Նոր փոփոխություններով, 2-րդ եւ ավելի խախտման դեպքում քաղաքացին կվճարի 40 լարի: Կարգավորումներով նաեւ նախատեսվում է պատժի խստացում այն կազմակերպությունների նկատմամբ, որտեղ կրկնվի առանց դիմակի քաղաքացիների մուտքը. սեփականատերը կտուգանվի 1 000 լարիով (ավելի քան 300 դոլար):


ԿՈՐՈՆԱՎԻՐՈՒՄՈՎ ՎԱՐԱԿՎԱԾ ԵՎ ԲՈՒԺՎԱԾ ՔԱՂԱՔԱՅԻՆԵՐԸ ԿԱՆՑՆԵՆ ՀԱՏՈՒԿ ՀԵՏԱԶՈՏՈՒԹՅՈՒՆ

Թբիլիսիի ինֆեկցիոն հիվանդանոցի տնօրեն Թենգիզ Ցերցվաձեի հայտարարությամբ, մարտի 9-ից Վրաստանում սկսվում են COVID-19-ն անցկացրած բուժառնների հետազոտությունները: Նրա խոսքով, հետազոտություններն անցկացվելու են Թբիլիսիում եւ ընդգրկում են հիվանդների, ովքեր կորոնավիրուսը հաղթահարել են վերջին երկու ամիսների ընթացքում:

- Սա մեր առողջապահական համակարգում ամենալուրջ իրադարձություններից մեկն է, հետևողական համախտանիշով հիվանդների հետազոտությունը: Այս հետազոտությունը երկրի մասշտաբով չէ, այն կլինի միայն Թբիլիսիում եւ կընդգրկի 400 հոգու: Ստուգումն իրականացվում է՝ ելնելով այն հանգամանքից, որ որոշ հիվանդների մոտ հետևողական շրջանում, մեկ կամ երկու ամիս անց նկատվում է թուլություն,

հոգնածություն, վատազույց դեպքում դեպրեսիա կամ սրտի բողոքներ, հիշողության կորուստ, անհանգստություն եւ այլն: Դա անհանգստացնում է ամբողջ աշխարհին, այդ թվում՝ Վրաստանին, քանի որ դեպքերը հաճախակի են դառնում,- հայտարարել է Թենգիզ Ցերցվաձեն: Նրա խոսքով, հիվանդները կընտրվեն պատահականության սկզբունքով: - Սա գիտական հետազոտություններում ամեն-

հանգիստ մեթոդն է, նման հետազոտությունից ստացված արդյունքները ամենահուսալիին են: Մենք ունենք Թբիլիսիում վերջին երկու ամսվա ընթացքում COVID-19-ը անցկացրած հիվանդների ճշգրիտ ցուցակը: Այս ցուցակը մշակվում է հատուկ ծրագրի կողմից, որը պատահական ընտրում է ամհատական անուններ: Նրանց հետ կապ կհաստատեն մեր օպերատորները եւ կիրավիրեն հետա-



զոտության,- ասաց Թենգիզ Ցերցվաձեն: Նրա խոսքով, ուսումնասիրության նպատակն է պարզել, հետևողական համախտանիշի հաճախականությունը COVID-19-ն անցկացրած բուժառնների մոտ: Գործիքային հետազոտություններին զուգահեռ, կմշակվի նմանափայ հիվանդների պետական ծրագիր:

Էջը պատրաստեց ՅՈՒՐԻ ԽՈՐԵՆՅԱՆԸ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈՒ ՓԱՇԽՅԱՆ. «ԲՈՒՆՈՒՄ ԽՆԴԻՐՆ Է ԶԳՆԱԼ ԼՐԱՑՈՒՑԻՉ ՍԱՐՍԱՆԱՓՈՎՈՒՄՆԵՐԻ»

(Սկիզբը՝ 1-ին էջում)

Ինչպես եւ կանխատեսում էինք ունենք հիվանդացության բավական աճ: Այս պահին ունենք ծավալված 9 բժշկական կենտրոն, մոտ 100 ազատ մահճակալ, բայց ուզում են զգուշացնել, որ մահճակալների թիվն անսպառ չէ, եւ պետք է ամեն ինչ անել, որպեսզի մեր հիվանդները...

րի թիվն ավելին չլինի այն կարողություններից, որոնք մենք ունենք, ասաց առողջապահության նախարար Անահիտ Ավանեսյանը:

Վարչապետ Նիկոլ Փաշինյանն ընդգծեց, որ խնդիրը լրացուցիչ սահմանափակումներ սահմանելու անհրաժեշտության բացառումն է, իսկ դա պայմանավորված է յուրաքանչյուր քաղաքացու վարքագծով:



ՀԱՅԱՍՏԱՆԻ ՆԱԽԱԳԱՀԸ ԵՐԿՐԻ ՎԱՐՉԱՊԵՏԻՆ ՈՒ ԸՆԴՊԻՄՈՒԹՅԱՆ ՆԵՐՎԱՅԱՆՈՒՑԻՉՆԵՐԻՆ ՀՐԱՎԻՐՈՒՄ Է ՀԱՆԴԻՊՄԱՆ

Հայաստանի նախագահը հանդիպման է հրավիրում վարչապետին եւ ընդդիմության ներկայացուցիչներին: Արմեն Սարգսյանի նախաձեռնած բանակցությունները հնարավոր է անցկացվեն մարտի 13-ին:

«Պետության եւ ընդհանուր ճանապարհներ որոնելու նպատակով, ստեղծված իրավիճակը քննարկելու եւ ելք գտնելու համար, մարտի 13-ին, ժամը 12:00-ին եւս վարչապետին, խորհրդարանական խմբակցությունների ղեկավարներին եւ «Հայրենիքի փրկության շարժման» անդամներին հրավիրում են բանակցություններ վարել նախագահի նստավայրում», - ասված է Հայաստանի նախագահի մամուլի ծառայության կողմից տարածած հաղորդագրության մեջ:

Հիշեցնենք, որ Հայաստանում ներքաղաքական իրավիճակը դեռ լարված է: Ընդդիմությունը չի դադարում բողոքի ցույցեր անցկացնել Երևանում եւ պահանջել վարչապետ Նիկոլ Փաշինյանի հրաժարականը: Հայաստանում քաղաքական ճգնաժամը սրվել է նրանից հետո, երբ Հայաստանի ԶՈՒ Գլխավոր շտաբը պահանջել կառավարության հրաժարականը:

ՀՀ ՎԱՐՉԱՊԵՏԸ ԵՎ ԱՄՆ ՊԵՏՔԱՐՏՈՒՂԱՐԸ ՔՆՆԱՐԿԵՑԻՆ ՀԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՀԱՐՑԵՐ



Մարտի 6-ին Հայաստանի վարչապետ Նիկոլ Փաշինյանը հեռախոսազրույց է ունեցել ԱՄՆ պետքարտուղար Էնթոնի Բլինքենի հետ:

Մեծածախ քարտուղարը: Կողմերն անդրադարձել են պատերազմից հետո տարածաշրջանում տիրող իրավիճակին:

Ընդգծվել է ԵԱԿԿ Միսսիսիպիի խմբի համանախագահության շրջանակում խաղաղ գործընթացի վերականգնման անհրաժեշտությունը: Պետքարտուղարն ընդգծեց Հայաստանի հետ գործընկերային հարաբերությունների զարգացման կարելիությունը: Նա բարձր է գնահատել ժողովրդավարության ասպարեզում Հայաստանի արձանագրած ձեռքբերումները եւ վստահեցրել, որ ԱՄՆ-ը շարունակելու է բարեփոխումների համար Հայաստանին տրամադրվող օժանդակությունը: Երկուստեք կարելիություն է համագործակցության ամրապնդման, կոռուպցիայի դեմ պայքարի, արդարադատության համակարգի եւ ոստիկանության բարեփոխումների ուղղությամբ: Նիկոլ Փաշինյանը շնորհակալություն է հայտնել ամերիկյան կողմի գնահատականների ու բարեփոխումների ասպարեզում օժանդակություն տրամադրելու պատրաստակամության համար:

Նիկոլ Փաշինյանը նախ շնորհավորել է գրուցակցին այդ բարձր պաշտոնին նշանակվելու կապակցությամբ: Խոսելով երկկողմ հարաբերությունների մասին՝ Նիկոլ Փաշինյանը բարձր է գնահատել ԱՄՆ կողմից Հայաստանին տրամադրվող մշտական աջակցությունը եւ ԵԱԿԿ Միսսիսիպիի խմբում ԱՄՆ ու-

ԻՐԱՎՈՒՆԵՐԻ ՈՒԺՈՎ ԶԻՆՎԱԾ ՈՒԺԵՐԻ ՂԵՏՆ ԱՉԱՏՎԵՑ ԴԱՇՏՈՆԻՉ

Հայաստանի վարչապետ Նիկոլ Փաշինյանի հայտարարության համաձայն, Օճիկ Գասպարյանը իրավունքի ուժով ազատվել է ՀՀ ԶՈՒ գլխավոր շտաբի պետի պաշտոնից:

Ըստ այդ հայտարարության, առաջնորդվելով Հայաստանի սահմանադրության եւ «Զինվորական ծառայության ու զինծառայողի կարգավիճակի մասին» Հայաստանի օրենքի վերաբերյալ դրույթներով՝ վարչապետի կողմից 2021թ. փետրվարի 25-ին հանրապետության նախագահին էր ներկայացվել առաջարկություն՝ ՀՀ ԶՈՒ գլխավոր շտաբի պետ Օճիկ Գասպարյանին զբաղեցրած պաշտոնից ազատվելու վերաբերյալ՝ կցելով համապատասխան հրամանագրի նախագիծը: 2021թ. փետրվարի 27-ին վարչապետի աշխատակազմ են մտել հանրապետության նախագահի առարկությունները վերոնշյալ նախագծի վերաբերյալ:

«Նախագահի կողմից ներկայացված առարկությունները վարչապետի կողմից չեն ընդունվել, ինչի մասին 2021թ. փետրվարի 28-ին գրություն է ուղարկվել հանրապետության նախագահին՝ համապատասխան հիմնավորումներով: Հաշվի առնելով այն հանգամանքը, որ «Զինվորական ծառայության եւ զինծառայողի կարգավիճակի մասին» ՀՀ օրենքի 35.1-ին հոդվածի 3-րդ մասով սահմանված ժամկետներում Հայաստանի նախագահը չի ստորագրել վարչապետի կողմից ներկայացված նախագիծը եւ չի դիմել Սահմանադրական դատարան՝ հիմք ընդունելով սահմանադրության 139-րդ հոդվածի 3-րդ մասը, ինչպես նաեւ «Զինվորական ծառայության ու զինծառայողի կարգավիճակի մասին» ՀՀ օրենքի 35.1-ին հոդվածի 6-րդ մասը եւ նույն օրենքի 40-րդ հոդվածի 3-րդ մասը՝ 2021թ. մարտի 10-ից ՀՀ ԶՈՒ գլխավոր շտաբի պետ Օճիկ Գասպարյանն իրավունքի ուժով ազատված է համարվում զբաղեցրած պաշտոնից»:

«ՀԱՅԱՍՏԱՆ» ՀԻՄՆԱԴՐԱՄԸ ՆԵՐՎԱՅԱՑՐԵՑ COVID-19-Ի ԴՐԱՄԱՐԱՎԱՔԻ ԾԱԽՍՄԱՆ ՀԱՇՎԵՏՎՈՒԹՅՈՒՆԸ

«Հայաստան» համահայկական հիմնադրամը կորոնավիրուսի դեմ պայքարի արդյունավետությունն ուսումնասիրող Ազգային ժողովի քննիչ համընթացողի մեթոդաբանը «Covid-19 - Հայաստան. միասին հաղթահարենք համավարակը» դրամահավաքին հավաքագրված գումարների ծախսման ուղղությունները:

Դրամահավաքն իրականացվել է հիմնադրամի նախաձեռնությամբ, 2020թ. մարտի 13-ից օգոստոսի 27-ն ընկած ժամանակահատվածում, որի ընթացքում հավաքագրվել է 325 մլն 608 հազար 555 դրամ: Այդ գումարից 154,8 մլն դրամը հավաքագրվել է մասնավոր կազմակերպություններից, 18 մլն 115 հազար դրամը՝ արտերկրում եւ Հայաստանում ապրող ֆիզիկական անձանցից, իսկ 152 մլն 675 հազար դրամը՝ «Հայաստան» հիմնադրամի Սփյուռքում գործող մարմիններից: Համգումարած գումարից 695 հազար 244 ԱՄՆ դոլարն ուղղվել է տարբեր բժշկական պարագաների ու սարքավորումների ձեռքբերմանը, կարիքավոր ծերերին ամենամսյա սննդի մատակարարմանը եւ բազմաթիվ հայրենակիցների Հայաստան վերադարձին, անոթ 300 հազար դոլար ուղղված է եղել շտապօգնության ծառայության անձնակազմին, բժշկական սարքավորումներին եւ ուղղվել 275 հազար դոլար, որոնցից առավել խոշորները՝ 8 արհեստական օդափոխության սարք, դյուրակիր թվային ռենտգեն 2 միավոր, թթվածնային 123 խտացուցիչ: Բուժ-սարքավորումներն ու պարագաները բաշխվել են առողջապահության նախարարությանը, տարբեր բուժօգնություններին, ինչպես նաեւ պաշտպանության նախարարության եւ պաշտպանության բանակի ռազմաբժշկական վարչություններին:

ԿԱՐԱՎԱՐՈՒԹՅԱՆ ՆԻՍՏԵՐ՝ ՄԱՐՁՊԵՏԵՐԻ ՄԱՍՆԱԿՈՒԹՅԱՆ

Հայաստանի կառավարության մարտի 11-ի նիստին մասնակցում էին նաեւ հանրապետության մարզպետները: Վարչապետ Նիկոլ Փաշինյանի խոսքով, առաջիկայում այդ պրակտիկան կշարունակվի: «Հընթացս միջավայրին ծանոթացան մեր գործընկերները, հեղափոխում ավելի ակտիվ եւ արդյունավետ կդարձնենք նրանց մասնակցությունը: Ուրախ եմ չեզ րեսնել, պարոնայք մարզպետեր,- ասաց կառավարության ղեկավարը:

ՄԻՋՆՈՐՈՒԹՅՈՒՆ՝ ԱՐՏԱԿ ԳԱՎԹՅԱՆԻՆ ԶԻՆՎԱԾ ՈՒԺԵՐԻ ՂԵՏՆ ԱՉԱՏՎԵՑ ԴԱՇՏՈՆԻՉ

Հայաստանի վարչապետ Նիկոլ Փաշինյանը միջնորդություն է ներկայացրել երկրի նախագահ Արմեն Սարգսյանին Զինված ուժերի Գլխավոր շտաբի պետի պաշտոնում Արտակ Դավթյանին նշանակելու համար: Արտակ Դավթյանը ԶՈՒ ԳՇ պետի պաշտոնը զբաղեցրել է 2018 թվականի մայիսի 24-ից մինչև 2020 թվականի հունիսի 8-ը: 2020 թվականի հուլիսի 16-ին ՀՀ վարչապետի որոշմամբ, նշանակվել է ՀՀ ԲՏԱՆ ռազմարդյունաբերության կոմիտեի նախագահ: 2020 թվականի նոյեմբերի 11-ին ազատվել է այդ պաշտոնից: Դավթյանը 2021թ. մարտի 9-ին ՀՀ պաշտպանության նախարար Վաղարշակ Հարությունյանի հրամանով նշանակվել էր հասարակ հանչնարարություններով ավագ սպա: Նշենք, որ Հայաստանի նախագահը 2021թ. մարտի 11-ին իր առարկություններով վերադարձրել է Արտակ Դավթյանին ՀՀ ԶՈՒ Գլխավոր շտաբի պետ նշանակելու մասին վարչապետի առաջարկությունը եւ կից հրամանագրի նախագիծը: Նույն օրը ստացվել են վարչապետի հիմնավորումները նախագահի առարկությունների վերաբերյալ: Երկրի նախագահը չի սպորագրելու հրամանագրի նախագիծը եւ չի դիմելու Սահմանադրական դատարան:

ԵՆՈՒՐՈՒՐԱԿԱՆ ԿԱՆԹԵՆՈՐՆԵՐ ՆՈՐ ՀՈՒՆՎԱՅՄԱՐԻ

«Ենուրուր» զինվորական պանթեոնում կատարվել է Արցախյան ազատամարտում զոհվածների եւ անհայտ կորածների հուշահամալիր:

Հայաստանի վարչապետ Նիկոլ Փաշինյանի որոշմամբ, հաստատվել է հուշահամալիրի ստեղծման աշխատանքների համակարգման աշխատանքային խմբի անհատական կազմը: Աշխատանքային խումբը կղեկավարի Հայաստանի վարչապետի աշխատակազմի ղեկավար Արսեն Թորոսյանը:

ՎԱԶԳԵՆ ՄԱՆՈՒԿՅԱՆԻ ԳՈՐԾԸ ԳԼԽԱՎՈՐ ԳՍՏԱՆՍԱՊՈՒԹՅՈՒՆՈՒՄ Է

Հայաստանի քննչական կոմիտեի հատկապես կարելուր գործերի քննության գլխավոր վարչությունում ավարտվել է 2021թ. փետրվարի 12-ին եւ 20-ին Ազատության հրապարակում անցկացված հանրահավաքների ժամանակ Վազգեն Մանուկյանի կողմից իշխանությունը զավթելու, սահմանադրական կարգը բռնի փոխապահելու, բռնություն գործադրելու հրապարակային կոչեր կատարելու դեպքերի առթիվ հարույցված քրեական գործի նախաքննությունը: Քրեական գործը մեղադրական եզրակացությամբ, ուղարկվել է Հայաստանի գլխավոր դատախազություն մեղադրական եզրակացությունը հաստատելու եւ գործը դատարան ուղարկելու միջնորդությամբ: Նշենք, որ ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ Հայաստանի քրեական դատավարության օրենսգրքով սահմանված կարգով՝ դատարանի օրինական ուժի մեջ մտած դատավճռով:

ԵԿԵՂԵՑԱԿԱՆ

14.03.2021 Դատավորի կիրակի
Մեծ Պահքի հինգերորդ կիրակին կոչվում է Դատավորի կիրակի:

ՄԱՐՏ



կատարվում է ի հիշատակությունը Խոր Վիրապում Սուրբ Գրիգոր Լուսավորչի կրած չարչարանքների:

Ըստ պատմական աղբյուրի, Խոր Վիրապում կրած 13 տարիների չարչարանքներից հետո Սուրբ Գրիգոր Լուսավորչը, դուրս գալով ստորգետնյա գնդանից, Քրիստոսի լույսն է տարածում հայոց աշխարհում՝ դառնալով պետականորեն ճանաչված Հայ եկեղեցու առաջին հովվապետը:

20.03.2021 Սուրբ Գրիգոր Լուսավորչի սուկայի չարչարանքների ու Խոր Վիրապ մտնելու հիշատակության օր

Ըստ Հայաստանյայց Առաքելական եկեղեցու տոնացույցի, նշվում է Մեծ պահքի 6-րդ կիրակիի նախորդ շաբաթ օրը: Տոնը

ՖՈՒՏԶԱԼ

ՈՒԵՖԱ-Ի ՈՐՎԱԿՎՈՐՄԱՆ ՓՈՒԼՈՒՄ ՎՐԱՍՏԱՆԻ ՀԱՎԱՔԱԿԱՆԸ ԵՐԿՈՒ ՀԱՆԴԻՊՈՒՄՆԵՐՈՒՄ ՀԱՂԹԵՑ ՀԱՅԱՍՏԱՆԻ ԹԻՄԻՆ



Մարտի 5-ին եւ 10-ին Թբիլիսիում ու Երեւանում ՈՒԵՖԱ Եվրո 2022-ի որակավորման խմբային փուլի երրորդ եւ չորրորդ մրցափուլի շրջանակներում ֆուտզալի մարզածելում անցկացվեցին հանդիպումներ Վրաստանի եւ Հայաստանի հավաքականների միջեւ:

Երկու հանդիպումներում Վրաստանի հավաքականը ցուցաբերեց հասուն խաղ եւ առավելության հասավ համապատասխանաբար 5:0 եւ 3:2 հաշվով:

Նշենք, որ Վրաստանի եւ Հայաստանի հավաքականները, Ֆրանսիայի ու Ռուսաստանի հավաքականների հետ, հանդես են

գալիս ՈՒԵՖԱ-ի Եվրո 2022-ի որակավորման փուլի երկրորդ խմբում: Չորրորդ մրցաշարից հետո, Վրաստանի հավաքականը վաստակեց 7 միավոր եւ խմբում զբաղեցնում է 2-րդ տեղը: Առաջատարը Ռուսաստանն է (12 միավոր), երրորդ տեղում Ֆրանսիան է (2), իսկ Հայաստանը՝ չորրորդ տեղում (1): Հաջորդ հանդիպումը Վրաստանի հավաքականը կանցկացնի ապրիլի 9-ին Թբիլիսիում՝ Ֆրանսիայի ազգային հավաքականի դեմ եւ, հաղթանակի դեպքում, կստանա Եվրոպայի առաջնության ուղեգիր:

8x8 grid with numbers 1-65 placed in various cells.

ԵՎՐԱՏԵՍԻԼ - 2021

ԵՐԳԻ ՓԱՌԱՏՈՒՄ ՎՐԱՍՏԱՆԸ ԿՆԵՐԿԱՅԱՅՆԻ ԹՈՒՆԻԿԵ ԴԻՓԻԱՆԻ ՀԱՅԱՍՏԱՆԸ ԵՎՐԱՏԵՍԻԼ-2021-ԻՆ ՉԻ ՄԱՍՆԱԿՑԻ

Ընթացիկ տարվա մայիսի 18-ին, 20-ին եւ 22-ին Նիդերլանդների Ռոտտերդամ քաղաքում կանցկացվի «Եվրատեսիլ 2021» երգի փառատոնը:

Վրաստանի ներկայացուցիչ Թոռնիկե Դիփիանին մայիսի 20-ին կայանալիք երկրորդ կիսաեզրափակչին հանդես կգա իր իսկ հեղինակած «You» երգով: Երգը անգլերեն է եւ միավորում է տարբեր ժանրեր՝ ռոք, փոփ ռոք եւ բլյուզ ռոք:

Մրցութային երգի տեսահոլովակը նկարահանվել է մի քանի վայրերում: Երգի պրեմիերան կկայանա մարտին:

Եվրատեսիլ-2021-ին Հայաստանը չի մասնակցի: Այդ մասին մարտի 5-ին հայտարարեց հայկական հեռարձակող «APMTV» հեռուստաընկերությունը՝ հաստատելով, որ իրենք իրա-



ժարվում են մասնակցել 2021 թվականի երգի մրցույթին երկրում ստեղծված քաղաքական իրավիճակի պատճառով:

ՄԱՅՐԱՔԱՂԱՔ

ԴԵՂԻՆ ԵՐԹՈՒՂԱՅԻՆՆԵՐԸ ԱՄԲՈՂՋԱՊԵՍ ԿՓՈՒՄԱՐԻՆԿԵՆ



Մարտի 10-ին Թբիլիսիի կառավարության հերթական միտում քաղաքապետ Կախա Կալաձեն հայտարարեց, որ մինչեւ այս տարվա ավարտը Թբիլիսիում միկրոավտոբուսների ավտոպարկն ամբողջությամբ կթարմացվի:

Քաղաքապետի խոսքով, տրանսպորտային քաղաքականության համաձայն, մայրաքաղաքում կգործի 1000 նոր միկրոավտոբուս, իսկ մնացած երթուղիները սպասարկելու են 8 մետրանոց ավտոբուսներ:

- Թբիլիսիի միկրոավտոբուսների ընկերության հետ բանակցությունները գրեթե ավարտված են: Ընկերությունը կզմի

մեր կողմից ձեռք բերած 300 միավոր միկրոավտոբուս, ապա՝ նաեւ լրացուցիչ 400 միկրոավտոբուս: Այս ամենը կավարտ-

վի մինչեւ տարեվերջ: Առաջիկա օրերին Թբիլիսիի քաղաքապետարանը կհայտարարի շուկայի ուսումնասիրություն եւ կսկսի մրցույթի ընթացակարգը, - սաց Կախա Կալաձեն ու հավելեց, որ տրանսպորտային քաղաքականության շրջանակներում ընթանում է այսպես կոչված դեղին ավտոբուսների փոխարինման գործընթացը:

- Տրանսպորտային քաղաքականությունը բաղկացած է բազմաթիվ բաղադրիչներից: Ամենակարեւորը, գոյություն ունեցող ավտոպարկի արդիականացումն է եւ հին ավտոբուսները ամբողջովին նորերով փոխարինումը: Այս գործընթացն արդեն սկսվել է: Ավտոբուսները ձեռք են բերվել, եւ մենք սպասում ենք դրանց ներմուծմանը: Բացի այդ, մենք ցանկանում ենք ներկայացնել մոտ 180 միավոր 8 մետրանոց ավտոբուսներ, - հայտարարեց Կախա Կալաձեն:

Խ Ա Չ Բ Ա Ռ

ՀՈՐԻՉՈՆԱԿԱՆ. 1.Քաղաք Իտալիայում: 4.Շրջան եւ քաղաք Արցախում: 9.Անասունի գլխի հարված: 10.... եւ դժոխք: 11.Հիմա, այժմ: 12.«Ես իմ անուշ Հայաստանի արեւահամ ... եմ սիրում» (Ե.Չարենց): 13.Սահման, վերջնագիծ: 15.Վարպետը թբիլիսյան բարբառով: 17.Աշխարհի ամենաերկար գետը: 19.Ստորադասական շաղկապ: 21.Դատարկ, փուչ: 22.Ե՛ւ լեռ, ե՛ւ մայրաքաղաք Պատմական Հայաստանում: 24.Ցանովի բույս Վրաստանում: 25.Ուժիտը Ջեյմս Բեմերոնի ֆիլմերից: 27.Ատամը՝ արեւմտահայերենով: 29.Հերոս «Ինչու է աղմկում գետը» ֆիլմում: 33.Մակերեսի չափման միավոր: 34.Կնոջ հայրը: 35.Չայնարկություն: 36.Չորրորդ նոտան: 37.Ունկնդրել, ականջալուր լինել: 38.... մարզարեի անվան կիրակնօրյա դպրոց Վիրահայոց թեմում: 39.Արեւելյան ժողովրդական սիրավեպ «... եւ Քյարամ»: 41.Վրաց հայտնի շախմատիստ ... Չիբուրդանիձե: 44.Գյուղատնտեսական գործիք: 46.Խոսելու, գրուցելու նյութ: 49.Հայ առաջին կին դիվանագետ ... Աբգար: 51.Վրաստանի նախագահ ... Չուրաբիշվիլի: 53.Ժամանակակից: 55.Լիքը, առատ: 56.Հնդիկ հանրահայտ պոետ: 58.Մի գնա: 60.Չույզ թիվ: 61....յի վկաներ: 63.Հայոց կաթողիկոս ... Աշտարակեցի: 64.Հայկական առաջին ֆիլմերից: 65.Սիբիրյան գեղեցիկ եղնիկ:

ՈՐՂՈՆԱԿԱՆ. 1.Հայազգի հերոս, ով թաղված է Խուստուփի լանջին: 2.Բայի ժամանակներից: 3.Հարցական դերանուն: 4.Հավերժ, հավերժ: 5.Հարթուկ: 6.Անձնական դերանուն: 7.Շարքապ օր: 8.Ֆիլիպինների մայրաքաղաքը: 9.... թող: 14.Գեղեցիկ, հոտավետ ծաղիկ՝ պամի ...: 16.Սահանգ ԱՄՆ-ում: 18.Նախադասության գլխավոր անդամ: 20.Արաքս գետի անվանումներից: 23.Պարսիկ հանրահայտ բանաստեղծ: 25.Բանկային համակարգ Թբիլիսիում եւ Երեւանում: 26.Քաղաք Ֆրանսիայում: 28.Թբիլիսիայ գրող ... Հրաչյա: 30.Թուրք գրող, հրապարակախոս ... Աբջա: 31.Ժխտական հանաժանց: 32.Կոմիտասի ծննդավայրը: 35.Դեղձով եւ ընկույզով չիր: 40.Վշտանալ, լացել, մորմոքալ: 42.Մուստաֆա Քեմալ ...թուրք, օսմանյան բանակի սպա: 43....խած, ...ալի: 45.Իտալական ֆուտբոլային ակումբ: 47.Քաշվել, կարմրել, անհարմար զգալ: 48.Հայաշատ քաղաք Ֆրանսիայում: 50.Ատրեստանի մայրաքաղաքը: 51.Ս.Փարաջանովի ֆիլմերից «Լեգենդ ...ի ամրոցի մասին»: 52.Մ.Գորկու երկերից «... Բուլիչեւը եւ ուրիշները»: 54.Հարցական դերանուն: 57.Խոտի խուրձ: 59.«... Կովկասն իմ ոտքի տակ» (Ա.Պուշկին): 62.Վահան Միրաքյան «Լավվարի ...ը»: Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ. 7.Ուղեկցող: 9.Եսաուլ: 10.Քարտ: 11.Մայրնեգ: 13.Անլուր: 16.Լաց: 17.Լաք: 19.Ավան: 22.Դուբայ: 24.Աղավնի: 25.Վահի: 27.Թերեզա: 29.Ասուլիս: 32.Պեկին: 33.Բաստիա: 35.Աղել: 38.Նեւա: 40.Էկրան: 41.Մաուս: 44.Քիլի: 47.Նրա: 48.Էնմա: 50.Լինչի: 51.Շահ: 52.Ոխ: 53.Լակ: 54.Վոլա: 55.Միշտ: ՈՐՂՈՆԱԿԱՆ. 1.Խոճալ: 2.Սկկոց: 3.Չոքել: 4.Չետա: 5.Սայլ: 6.Կլոր: 8.Ղազախ: 12.Յամբ: 14.Նասա: 15.Ուհան: 18.Բյազ: 19.Աղասի: 20.Լվալ: 21.Սիլա: 23.Ավեստա: 26.Հապա: 28.Եղան: 29.Ալի: 30.Ունակ: 31.Իդեա: 34.Սեւիլիա: 36.Դրիմ: 37.Լնդախոս: 39.Կուր: 42.Անիվ: 43.Սաշա: 45.Իլլ: 46.Ինկ: 48.Էնմ: 49.Մոշ:

Գլխավոր խմբագիր՝ ՎԱՆ ԲԱՅԲՈՒԹՅԱՆ
Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ
Համարի պատասխանատու՝ ԳԱՅԱՆԵ ԲՈՍՏԱՆՉՅԱՆ
Համակարգչային ձեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾՈԼՇՈՆՈ 0105, Ճ.ՃՈՄԵՇՎՈՆ ԺՅՅԱ 5,
Մեր հասցեն՝ Թբիլիսի 0105 Գ.Աթոնելի փ. 5
ՓՅՂ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆՇՅՈՆ»
ՄԾՈԼՇՈՆ, ՆԱՅՅԵՄՅՈՐՇՎՈՐ
«ՅՐԱՏԱՆ»
Тбилиси, Грузия
«VRASTAN»
Georgia, Tbilisi
Индекс 66445